

Zeitschrift: Annalas da la Societad Retorumantscha

Herausgeber: Societad Retorumantscha

Band: 51 (1937)

Artikel: Poesias

Autor: Tuor, Alois

DOI: <https://doi.org/10.5169/seals-207474>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 06.08.2025

ETH-Bibliothek Zürich, E-Periodica, <https://www.e-periodica.ch>

Poesias

Da Dr. Al. Tuor.

Il cucu

1. Inagada, gl' anno sapocu,
Gl' ei schi ditg da lu ch' ins sa strusch cu,
Sco' i vegn detg, viveva in cucu,
Il pli grond cucu ch' ei staus zacu.
 2. Quei cucu che fuv' in ver cucu
Veramein fageva da cucu;
Greva sin tuts mauns: «cucu, cucu!»
Ch' ei tunava dapertut: «cucu!»
 3. Tgei deletg quei ei per in cucu
De clamar traso siu num cucu!
In cucu ei pér in dretg cucu,
Sch' el sefar valer sa sco cucu.
 4. Sch' in cucu zacu fa da cucu,
Lu rispund' in auter spert sisu;
Sut e su, lu vul scadin tutu
Culs cucus en tut far da cucu.
 5. Dal cucu digl anno sapocu
Vegnan tuts cucus ch' ein stai zacu;
Ussa tons cucus fan da cucu,
Fan confus il mund ch' el va sutsu.
-

La muntaniala

1. O tgei biala veta che quei fuva
Per la muntaniala temps de stad.
De saver sils tschenghels leda viver
En compleina sontga libertad.

2. Cun las jarvas frestgas savurusas,
Che carschevan sin scadin sulom,
Ella sco da vera perdanonza
Tgunschamein dustava sia fom.
3. Ella delectava cun tgaubrochels
Il passant, il paster e cavrer;
Da ses schuls che rebattend tunavan
Ils camutschs surstavan sil garver.
4. Sin quest pauper pauper mund de streflas
Tut sto prender ina fin denton;
Sche las caussas paran pli che stablas,
Vegn spert la malura tonaton.
5. Alla fin gl' atun s' approximescha,
Nova neiv las gondas ha curclau,
E la muntaniala seretila
Sur unviern afuns el funs dil vau.
6. Dorma ditg e dorma stagn en tauna.
Las malauras pér lai rumplanar;
Siemis siemia d' in primavera
Che dei nova veta leventar.
7. Cara muntaniala, cheu sin tiara
Tut sto su ttacumber al destin;
Siemis pli che bials ed emperneivels
Baul san prender ina tresta fin.
8. Umens tut da mét in di comparan,
Ferm armai cun palas e zappuns;
Ord gl' igniv la muntaniala cavan
E da quei selegran sco tonts Huns.
9. En in sac durmenta sfundran ella,
Sco tons laders tut zuppadamein;
Cun la preda sco ded ir a frusta
Tras il bostg caminan tocca Rein.

10. Cun express vegn vinavon tarmessa
Tochen a Turitg, il grond marcau;
El curtgin zoologic damaneivel
Mess' a létg vegn en in auter vau.
11. Cauld favugns en cuort puspei ramuran,
Dapertut ei fa da primavaun;
Ella leventada sin tuts quater
Alla glisch seruschna plaun a plaun.
12. Tgei aspects cheu a ses églis seporschan,
O tgei heresias, tgei mund stuorn!
Tgei midadas strias nuncapeivlas,
Tgei confus e zanistrau contuorn!
13. Tgei burlenta jastra muntanera
Denter seivs e sfoss ed aults remparts!
Damaneivel ina mar de casas
Cun tgamins fîmonts sin tuttas varts.
14. Roschas glieud dasperas van e vegnan,
Muossan sin la paupra cun il det,
Giuvenots che feman cigaretas,
Damas che tschaghegnan cun lorgnet.
15. Ella vesa cun sgarschur quei traffic,
Ed avon ses églis ei vegn tut stgir,
E l'encarschadetgna per las pézzas
Palpitar il cor fa pir e pir.
16. In schabetg sur ura cheu daventa,
In schabetg ch'ei struschamein de crer;
Tonaton ei quei ch' jeu ussa ditgel
Succedi e ver e pli che ver.
17. A Turitg in di vegn ina scola
Lunsch lunsch giu d'in vitg grischun alpin
E gl' emprem de tut fa la viseta
A quei pli che renomau curtgin.

18. Tut eninagada tgei surpresa
Per il pign cavrer dell' alp Crapner!
Ei quei ver quei ch' el po ver? El trembla
Ed avon ses égls ei vegn tut ner.
 19. Enconuscher po 'l la muntaniala,
La cumpogna de ses giuvens onns,
Ch' el empriu ded enconuscher veva
Sper las aultas pézzas sin ils cons.
 20. E medemamein la muntaniala
Catta spert il vegl amitg d' agur,
Stat sidretg e sponda grossas larmas
Da spir legherment e da dolur.
 21. Spons ha larmas — quei ei caussa certa,
Umens ch' eran leu han sezs quei viu,
Umens che meretan confidanza:
Haiel mez quei dad els sezs udiu.
 22. Cun la pintga muntaniala veva
Nies cavrer fatg tontas ga termagls;
Quella vev' el vid l' ureglia dretga
Giu nudau da pintga cun dus tagls.
 23. Ed ad ella deva dalla tastga
Ravas, pètta, paun e zucherams
E savens dasperas péra tosta,
Biscutins perfin ed auters mams.
 24. Ella dat aunc al cavrer la toppa
Per comiau. A casa quel ei ius,
E da quella tresta sentupada
Stauns aunc ditg, aunc ditg ei sco sturnius.
 25. La damaun sisu la muntaniala
Sper la tauna morta schai dil tut:
Igl encrescher schar per sias pézzas
Ha dil tut il cor ad ella rut.
-

La musteila

Da stgira notg cu tut ruaussa
 E negin s'empatscha d'ina caussa,
 Cheu, el stgir nocturn, ina musteila
 Osum la ruosna d'ina muschna
 Bufatg bufatg seruschna
 E contemplescha ina steila.

E sa pertgei quella musteila
 Contemplescha quella steila?

Jeu creitg, che quella stria futtida,
 Che sin ils peis davos cheu steva
 Duront la tgeua notg stellida,
 Jeu creitg, jeu creitg ch' ella saveva,
 Che steila rima cun musteila,
 Perquei miravla sin la steila.

Ina sentupada

Dus bastiments sin aulta mar s'entaupan,
 E s'entupond barattan cuort salid;
 Ed in da l'auter spert s'allontaneschan,
 Mintgin sin autra vart en cuors rapid.

Sin l'in intons retuornan en la patria
 Ch' els vevan plein speronzas bandunau;
 Sin l'auter auters ord la patria tilan
 Sur vasta mar en in futur zuppa.

Napoleon

(Per il centenari de sia mort 1921)

1. Carstgaun che neschas, vivas, mieras,
 Che vegnas oz e vas damaun
 E dal sulegl glischont sefieras
 En in encarden umbrivaun
 E per adina secuvieras
 Cun emblidonza plaun a plaun.

2. Carstgaun, mo in mument patratga:
 Gl' ei stau d' in temps la sort d' in um,
 Che dal destin ei stada tratga,
 Ch' el sesalzaus ei tocca sum
 E ch' el, curdaus en mala fatga,
 Tras tuts seculs mantegn siu num.
3. En stermentusas cavalcadas,
 Tut enzugliaus da fem e fiug,
 Suls camps el meina las armadas
 Rasond sgarschur da liug en liug,
 E de victorias, de terradas
 Ils morts sper via fan in riug.
4. Scadina gada ch' el plidava,
 Vegnev' il mund en moviment;
 E sco la vusch dil tun ruclava
 Siu plaid stremblent, siu plaid pussent,
 Che spert ils pievels sussentava
 Da continent a continent.
5. El retgs e prencis dismetteva,
 Sch' els fuvan pauc ad el d' engrau;
 Ad auters reginavels deva
 Per far silsuenter lur ugau;
 Aschia fermamein carteva
 De ver siu regiment francau.
6. Terraus afuns da disfotuna,
 In' insla dat ad el albier,
 E l' unda, che schemend rampluna
 Encunt' il grep burriu, mitgiert,
 D' in bord a l' auter bord retuna
 Schi trest sco sch' ei tuccass de miert.
7. L' unfrenda paupra cheu daventa
 D' in sbier rubiesti, malvugliu,
 Ch' inschigns per far dil mal inventa
 Cun cor crudeivel, nausch e criu,
 E sin la mort siu spért tormenta,
 Tractond el mender ch' in murdiu.

8. Ils sprers, las sgagias, la curnaglia,
Che sgolan da tuts mauns neutier,
Da mintga plonta, mintga caglia,
Mo beffas fan dil perschunier,
E da risaglia sin risaglia
Rebatter fan gl' entir revier.
 9. Amitg, ti era forsa lesses
Trer crappa sin Napoleon;
Quei um ti forsa queida vesse
De miserar cul bratsch de ponn;
Truasses el sche ti pudesses —
O teidla, dir a ti vi ton:
 10. Il Segner ch' enten tschiel resida,
De tgi che vegn, de tgi che va,
Sur bien, sur schliet, sur tut decida:
Mo el ei quel che semper sa,
Dond sez a tut destin l' urdida,
Pertgei ch' el fa tut tgei ch' el fa.
-

**A nies poet Giachen Casper Muoth
per sia convalescenza**

(Matg 1906)

1. La primaver' ei arrivada,
Svanius ei ussa prest il matg,
Che ha ils munts e selv' e prada
Cun niev vestgiu flurent surratg.
2. Da flurs la prada tut ei gaglia,
Utschals aud' ins pertut cantar,
Ed ils mattets ord mintga caglia
San legramein schuletgs tagliar.
3. Mo en Surselv' ei quietezia,
Zatgei ei buca leu d' engrau;
Negin che gibla da letezia,
Ils pasters van cul tgaу sbassau.

4. Il meglier cantadur fà pausa
E tschent' il maun sil staunchel cor;
Nus schein encrescher, ch' el rauassa
Schi ditg, schi ditg, siu cant sonor.
 5. Mo ussa stai si e pren il calisch,
Cun la Surselva printgas fai —
E pren la harpa giu dal salisch
E resunar tes miedis lai!
 6. O conta po tras l'aria steppa,
Che la Surselva audi tei!
Rispunder vegn e dalla greppa:
«Nies Caspar Muoth ei frestgs en pei!»
-

A sogn Gieri (1934)

O car sogn Gieri, habel cavalier,
Sin losch cavagl cun tia lontscha-fier
En lutga stermentusa cun in sfrac,
Sdernau pli baul has quei sgarscheivel drag,
Che glieud e biestga tonta laguteva
Ed ord siat tgauns schizun spidava fiug,
Ch' il pievel da sgarschur tremblar stueva —
O car sogn Gieri, teidla po nies riug:
In monster niev puspei ei comparius,
Che consumescha casas e clavaus,
Curtgins e selvas, pradas e palius,
E devastescha vitgs e gronds marcaus —
Envan ils stadis han vuliu mazzar
Quei monster cun canuns e mellis fisis —
O car sogn Gieri, teidla nies rugar:
Sturnir po veglies ti la gronda crisis!

Supplica a sogn Martin

Sche ti puspei zacu vas per las vias,
 O sogn Martin, ti cavalier de Diu,
 Che vellas dau il di de sogn Mattias
 In toc de tiu manti ad in murdiu —
 E sch' ina femna lura ti satiuas,
 De quellas ch' ein vestgidas d' ozildi,
 Che van cun bratsch'e combas ch' ein miez niuas:
 Lu pren spert gl' auter toc de tiu manti,
 E per proteger ella d' auras criuas,
 Cun el dabot po ella cuarcla vi.

Il mulin sfundrau

1. O contas caussas marvegliusas
 Seresdan sin quest mund
 En detgas, praulas misteriusas
 Cun senn zuppau profund,
 E regurdientschas preziuas
 Ed admirablas zun!
2. D' in temps sper l' aua scadenava
 La roda d' in mulin;
 Sche seghel ins suren cargava,
 Tut seghel da contin
 La mola dil mulin midava
 En frina de salin.
3. Sch' ins teidla l' aua che tschallata,
 Ins quet' aunc oz d' udir
 La roda che dalunsch rebatta
 E l' aria fa stremblir,
 Mo gnanc in crap, gnanc in secatta,
 Gnanc in fastitg d' in mir.
4. Al pescadur denton di l' unda:
 Tgi che vegness e mass

E sin la riva sper la spunda
 Dadretg afuns cavass,
 En il dretg liug, afuns avunda:
 La mol' aunc oz anflass.

Egl jester

1. Hai tontas gadas viu egl jester
 Il grond e bi palaz dil retg
 Cun tuors da dretg e da seniester
 E tarlischonts clutgers sil tetg.
 2. El en in parc cun veglias plontas
 Dal mund profan ei sco zuppaus;
 Miraglias aultas, dominantas,
 Formeschian sin tuts mauns in claus,
 3. Schuldada, dapertut schuldada;
 Schuldada va, schuldada vegn
 E cun mus-chettas scut e spada
 Las portas occupadas tegn.
 4. Persuna certamein negina
 Ch' entrar po senza passaport;
 Sulet de tuttas tuttas ina
 Ch' ha liber transit, gl' ei la mort.
 5. Savens sche jeu dasperas mavel
 E sch' jeu vesovel quei cünfar
 E sch' jeu pli ditg sin quel miravel,
 Stuev jeu pli e pli surstar.
 6. Vesend tut quei a mi compara
 Dalunsch el spért miu vitg natal,
 E mia casa-lenn schi cara
 Mai dau vess pil palaz roial.
-

Il quaterfegl

1. En in cudisch vegl e pli che vegl
Hai sur uras inagad' anflau
In grond diember tocs de quaterfegl:
Trentadus daveras hai dumbrau.
 2. Gl' ei quei stau in cudisch d' oraziun
Che purtav' ils numis dils antenats;
Carezau urond han en uniun
Tattas, tats, basattas e basats.
 3. Da nos vegls pli baul vegnev' ei detg
Che scadin carstgaun, surprius d' amur,
En l' amur contonscher possi cletg
Cun cattar in quaterfegl d' agur.
 4. O con marveglius' ei la canzun
Dell' amur che regia gl' univers;
Manteniu il mied ha tun per tun
Tras ils nundumbreivels tschentaners.
 5. Sin quest mund semida tut plaunsiu,
Pievels vegnan, auters pievels van;
Mo l' amur fa tut il temps stendiu
Palpitari il pauper cor human.
-

Sentiments d' atun

1. Tras vals, sur cuolms e sur planiras
In vent d' atun cun forza va,
Sur praus e plauncas e pastiras
Turnighels sin turnighels fa.
2. Cun bufs sin bufs las plontas scrola,
Ch' ei fa tremblar il fundament,
E feglia melna morta sgola
Saltond egl ault in sault terment.

3. Tschaghera spessa, greva, nera
Sco plum setschenta sin ils funs;
Il flum cun tresta tresta tschera
Las auas rocla sut las punts.
 4. Perfin la tiara sezza schema
Sco tementada da grevs mals;
Las hirundellas dalla tema
Fugidas ein sur cuolms e vals.
 5. En habit ner in tgaper sesa
Cul tgau a bass sin ina seiv,
E tgi che mira bein, quel vesa
Sin sias alas tacs de neiv.
-

La sera

1. Las aultas pezzas paran tut ardentas
El fiug dil tgietschen vespertin;
Il di cun ses fastedis, sias stentas
Va plaun a plaun uss alla fin;
Ed il carstgaun emblida las pitgiras
Ch'il cor ad el han tormentau,
E tuttas tuttas otras creatiras
San ledas ussa far firau.
2. Silenzi vast che dapertut serasa
Digrond dal tschiel sin tiara vegn;
E sur de mintga tegia, mintga casa,
Perfetga pasch las alas tegn;
E sut las alas lomas, umbrivontas
Il pèz respira levamein;
Las tempras caliradas, undulontas
Contonscher pon refrestg complein. —
3. Gl' ei l' ura sontga, l' ura benedida
De tgeua vera devoziun,
Che l' olma, dagl aspect sublim surprida,
Sto cun fervur far oraziun.

Gl' ei sco sche vuschs ord spazis nunveseivels.
 Salids pertassen al carstgaun,
 E sco sch' il Segner sez fuss pli maneivels
 E benedend alzass il maun.

4. Ils nibels van en processiun solemna
 Sco pelegrins che van urond;
 Cun steilas tscheu e leu gl' azur sesemna,
 Sclarend cun glisch il viadont.
 La notg cun ses misteris prest arriva,
 Prest il carstgaun en sien profund,
 En siemis tscharner po sin l' autra riva
 Contradas ch' ein d' in auter mund.
-

La mumma

In vitg alpin che schai sin ina spunda
 Daditg ei enzugliaus da notg profunda.

Mo ina brausla glisch pér tard tarlischa
 Dadens en ina casa veglia grischa.

Da quella glisch fallombra, scardalida
 Mo fleivlamein la stiva vegn sclarida.

Il gat sin pegna cupidond murmura,
 Dasperas vid la preit tic-tac fa l' ura.

La roda cun il scav ch' ensemens stattan
 Aunc ded in usit vegl perdetga dattan.

In cudisch d' oraziun ch' ei sin la meisa
 Cuntegn consolaziuns de greva peisa.

Ei vegls, isaus, cun feglia de rubaglias,
 In ver confiert en cruschs ed en travaglias.

Dad in cantun sin tgi ch' en peinas plira
 Cun égl migieivel il Salvador mira.

Ed ina mumma sper la meisa sesa,
Dalunsch il fegl en mellis prighels vesa.

Ei da fastedis e dals onns sfraccada,
Da tut il mund in' olma bandunada.

Ed ina brev al fegl la mumma scriva
Cun maun tremblont e da dolur strusch viva.

Al fegl ch' ei en l' uiara che derasa
Dolurs immensas sur de mintga casa.

O paupra mumma, tgei pitir stuesses,
Sche ti la sort dil fegl enconuschesses!

Envan risposta d' obtener sesprovas:
Ils morts, ils morts san dar neginas novas. —
